



PROPRIUM MISSARUM DICECESIS CONCORDIENSIS

FESTA JANUARII

Die 9 Januarii.

S. JULIANI Martyris.

Missa In virtute, de Comm.
unius Mart. non Pont., E-
vang. Nihil est opertum, ex
Missa Lætabitur.

Oratio.

Deus, qui beatum Juliánum
Mártirem tuum, virtute
constantiæ in passione robo-
rásti: ex ejus nobis imitatió-
ne tribue pro amore tuo pró-
spera mundi despícere et nulla
ejus advérsa formidare. Per
Dóminum.

Fit Comm. Epiph. et etiam
Familiæ Jesu, Mariæ, Joseph
ac Dominicæ infra Octav. for-
te occurrentis.

Die 14 Januarii.

B. ODORICI MATTHIUSSI
Confessoris.

Missa Os justi, de Comm.
Conf. non Pont., cum Orat.
seq.

Oratio.

Deus, qui ut multos Orién-
tis pöpulos ad Ecclésiæ
sinum perduceres, beatum
Odoricum invicta ánnimi for-
titudine in maximis labóribus
roborásti: respice propítius
ad annimas diabolica fráude
decéptas, ut méritis ipsius
gloriósis a suis ténebris e-
ruántur. Per Dóminum.

Et fit Comm. S. Hilarii Ep.
Conf. et Eccl. Doct.

Oratio.

Deus, qui populo tuo æternæ salutis beatum Hilarium ministrum tribuisti: præsta, quæsumus; ut, quem Doctorem vitæ habuimus in terris, intercessorem habere mereamur in cælis. Per Dominum.

Deinde fit Comm. S. Felicis Presb. et Mart.

Oratio.

Concède, quæsumus, omnipotens Deus: ut ad meliorem vitam Sanctorum tuorum exempla nos prævoacent; quatenus, quorum solennia agimus, etiam actus imitemur. Per Dominum.

Secreta.

Laudis tibi, Domine, hostias immolamus in tuorum commemoratione Sanctorum: quibus nos et præsentibus exui malis confidimus et futuris. Per Dom.

Secreta pro S. Hilario.

Sancti Hilarii Pontificis tui atque Doctoris nobis, Domine, pia non desit oratio: quæ et munera nostra conciliet; et tuam nobis indulgentiam semper obtineat. Per Dominum.

Secreta pro S. Felice.

Hostias tibi, Domine, beati Felicis Martyris tui di-

catas méritis, benignus assúme; et ad perpétuum nobis tribue provenire subsidium. Per Dominum.

Postcommunio.

Refecti cibo potuque cœlesti, Deus noster, te supplices exoramus: ut, in cuius hæc commemoratione percépimus, ejus muniamur et precibus. Per Dominum.

Postcommunio
pro S. Hilario.

Ut nobis, Domine, tua sacrificia dent salutem: beatus Hilarius Pontifex tuus et Doctor egregius, quæsumus, precator accédat. Per Dominum.

Postcommunio
pro S. Felice.

Quæsumus, Domine, salutáribus repleti mystériis: ut, beati Felicis Martyris tui, cuius solennia celebrámus, orationibus adjuvémur. Per Dominum.

FESTA FEBRUARII

Die 13 Februarii.
Ss. FUSCAE Virg. et MAURÆ
Martyrum.

Missa Me expectavérunt,
de Comm. Virg. et Mart.

Oratio.

Da nobis, quæsumus, Dómine Deus noster, sanctarum Fuscae Virginis et Máuræ Mártirum tuarum palmas incessabili devotione venerári; ut, quas digna mente non possumus celebrare, humilibus saltem frequentemus obséquiis. Per Dóm.

Die 16 Februarii.

S. JULIANÆ
Virginis et Martyris.

Missa Loquébar, de Comm.
Virg. et Mart. cum Orat. seq.

Oratio.

Omnipotens sempitérne Deus, qui infirma mundi éligis, ut fórtia quæque confundas: concéde propitiis, ut qui beatae Julianæ Virginis et Martyris tuæ solémnia cólimus, ejus apud te patrocínia sentiámus. Per Dóminum.

Die 17 Februarii.

Ss. DONATI,
SECUNDIANI, ROMULI
et Soc. Mm. Concordiensium.

Introitus.

Psal. 78.



ntret in conspéctu tuo, Dómine, gémitus compeditórum: redde vicinis

nostris séptuplum in sinu eórum: vindica sanguinem sanctórum tuórum, qui effúsus est. (Allelúja, allelúja.)

Psal. ibid. Deus venérunt gentes in hæreditátem tuam: polluérunt templum sanctum tuum: posuérunt Jerúsalem in pomórum custódiam.

¶. Glória Patri etc.

Oratio.

Deus, qui mirabilis es in sanctis tuis, concéde propitiis, ut sanctórum mártirum tuorum Donáti, Secundiáni, Rómuli et Sociórum, quórum præsídio munimur, virtútem imitémur. Per Dóminum.

Léctio libri Apocalypsis
beáti Joánnis Apóstoli.

Apoc. 7.

In diébus illis: Respóndit unus de seniöribus, et dixit mihi: Hi, qui amicti sunt stolis albis, qui sunt? et unde venérunt? Et dixi illi: Dómine mi, tu scis. Et dixit mihi: Hi sunt, qui venérunt de tribulatióne magna, et lavérunt stolas suas, et dealbavérunt eas in sanguine Agni. Ideo sunt ante thronum Dei, et sérviant ei die ac nocte, in templo ejus: et qui sedet in throno, habitabit super illos: non esúrient, neque sítient amplius, nec cadet super illos sol, neque ullus æstus: quóniam Agnus, qui in médio

throni est, reget illos, et deducet eos ad vitæ fontes aquarum, et abstérget Deus omnem lácrymam ab oculis eorum.

Graduale. Exod. 15. Gloriósus Deus in sanctis suis: mirabilis in majestáte, faciens prodígia.

¶. Déxtera tua, Dómine, glorificáta est in virtúte: dexterá manus tua confrégit inimicos. Allelúa, allelúa.

¶. Eccl. 44. Córpora sanctórum in pace sepulta sunt: et nómina eórum vivent in generatióne, et generatióne. Allelúa.

Post Septuagesimam, omissis Allelúa et versu sequenti, dicitur Tractus.

Psal. 125. Qui seminant in lácrymis in gáudio metent.

¶. Eúntes ibant, et flébant, mitténtes sémina sua.

¶. Venientes autem vénient cum exultatióne portántes manípulos suos.

Tempore Paschali, omittitur Graduale et ejus loco dicitur Allelúa.

¶. Hæc est vera fratérnitas, quæ vicit mundi crímina: Christum secúta est, inclyta tenens regna cælestia. Allelúa.

¶. Te mártirum candáitus láudat exércitus, Dómine. Allelúa.

 Sequéntia sancti Evangelii secúndum Lucam.

Luc. 21.

In illo témpore: Dixit Jesus discípulis suis: Cum audiéritis prælia et seditiones, nolite terréri: opórtet pri-mum hæc fieri, sed nondum statim finis. Tunc dicébat illis: Surget gens contra gen-tem, et regnum advérsus re-gnum. Et terræmotus magni erunt per loca, et pestiléntiæ, et fames, terrorésque de cælo, et signa magna erunt. Sed ante hæc ómnia injícient vobis manus suas, et perse-quéntur, tradéntes in syna-gógas, et custódias, trahéntes ad reges, et præsides propter nomen meum: contínget áutem vobis in testimónium. Pónite ergo in córdibus vé-stris non præmeditári, quem-ádmodum respondeátis. Ego enim dabo vobis os, et sa-pientiam, cui non póterunt resistere, et contradícere omnes adversárii vestri. Tra-démini áutem a paréntibus, et frátribus, et cognátiis, et amíciis, et morte affícient ex vobis: et éritis ódio ómni-bus propter nomen meum: et capíllus de cápite vestro non peribit. In patiéntia vestra possidébitis ánimas vestras.

Dicitur Credo in Cathed-tantum.

Offertorium. Psal. 67. Mi-

rabilis Deus in sanctis suis. Deus Israël ipse dabit virtutem, et fortitudinem plebi suae: benedictus Deus. Alleluja.

Secreta.

Divino illo igne, quæsumus Dómine, cor nostrum árdeat, quo Spíritus sanctus sanctórum mártirum Donáti, Secundiáni, Rómuli et Sociórum corda divinitus inflammávit. Per Dóminum... in unitáte ejúsdem Spíritus etc.

Communio. Sap. 3. Et si coram hominibus torménta passi sunt, Deus tentávit eos, tanquam aurum in fornáce probávit eos, et quasi holocáusta accépit eos. (Alleluja)

Postcommunio.

Ad cælestem mensam clementer admissi supplices te Dómine, deprecámur, ut sanctis martyribus tuis Donáto, Secundiáno, Rómulo, et Sóciis intercedéntibus, ad vitæ æternae gáudia pervenire mereámur. Per Dóm.

FESTA MARTII

Die 16 Martii

Ss. HILARII Episcopi
et TATIANI Diaconi Mm.

Missa Intret in conspéctu tuo, de Comm. Plurim. Mart.

cum Evang. ex Missa Sapiéntiam, et Orat. seq.

Oratio.

Beatórum Mártirum Hilárii Epíscopi et Tatiáni Diáconi nos, quæsumus Dómine, festa tueántur, et eórum comméndet orátio veneranda. Per Dóminum.

Et fit Comm. fer. Quadr. cum ejusd. Evang. in fine.

Die 27 Martii.

S. RUPERTI Episc. Conf.

Missa Sacerdótes tui, de Comm. Conf. Pont.

Et nisi transferatur post Dominicam in Albis, fit Commem. (in Missis privatis tant.) de S. Joanne Damasc. Conf. et Doct. neenon fer. Quadr. ejusque Evang. in fine.

FESTA APRILIS

Die 12 Aprilis.

S. ZENONIS Episc. et Mart.

Missa Státuit, de Comm. unius Mart. Pont.

Tempore Paschali Missa Protexísti.

Oratio.

Deus, qui beátum Zenónem Mártyrem tuum atque Pontíficem cathólicæ fidei

propagatòrem clígere dignátus es: præsta quæsumus; ut, ipso pro nobis interveniente, a peccatórum nostrórum máculis mundáti, sincéris tibi méntibus placére mercámur. Per Dóminum.

Die 27 Aprilis.

S. LIBERALIS Confessoris.

Missæ Os justi, de Comm. Conf. non Pont. cum Orat. seq.

Oratio.

Deus, qui nos beáti Libérális Confessóris tui glorióso patrocínio circúmdas et prótegis: concéde propítius; ut cujus intercessióne munímur in terris, ejus quoque consórtio perfruámur in cœlis. Per Dóminum.

Et fit Commem. (in Missis privatis tantum) S. Petri Canisii Conf. et Ecl. Doct. (in perpetuo simplif.) nisi Titularis transferatur.

Die 28 Aprilis.

S. VITALIS Martyris.

Ut in Missali hac ipsa die.

Fit Commem. (in Missis privatis tantum) S. Pauli a Cruce Conf. nisi Titularis transferatur.

FESTA MAJÍ

Die 4 Maji.

S. GOTTHARDI

(seu Godehárdi) Ep. et Conf.

Missæ Sacerdótes tui, de Comm. Conf. Pont.

Fit Commem. (in Missis privatis tantum) S. Monicae Viduæ.

Die 4 Maji.

S. FLORIANI Martyris.

Missæ Protexisti, Oratio Præsta... ut qui, Evang. Ego sum vitis, ex Missa Sancti tui.

Extra Temp. Pasch., Missa In virtute, Evang. Si quis venit, ex Missa Státuit.

Fit Commem. (in Missis privatis tantum) S. Monicae Viduæ.

Die 16 Maji.

S. PEREGRINI Ep. et Mart.

Missæ Státuit, de Comm. Pontif. Martyris.

Temp. Pasch. Missa Protexisti, Oratio Infirmitátem.

Fit Commem. (in Missis privatis tantum) S. Ubaldi Ep. et C., nisi transferatur Festum Titularis ob impedimentum occurrens.

Die 25 Maji.

S. URBANI

Papæ et Martyris.

Ut in Missali hac ipsa die.

Fit Commem. (in Missis privatis tantum) S. Gregorii VII. Pp. et C., nisi Festum Titularis transferatur ob impedimentum occurrens.

FESTA JUNII

Die 4 Junii.

S. QUIRINI

Episcopi et Martyris.

Missa Sacerdótes Dei, E-vang. Si quis venit, ex Missa Státuit.

Fit Commem. (in Missis privatis tantum) S. Francisci Caracciolo Conf.

Die 6 Junii.

B. BERTRANDI

Patr. Aquilejens. Conf.

Missa Sacerdótes tui, de Comm. Conf. Pont., præter Orationes sequentes.

Oratio.

Deus, qui beátum Bertrán-dum pro Ecclésiaæ suæ júribus ad mortem usque certántem invicta pastoráli fortitúdine roborásti: præsta fidéibus tuis; ut ad pie-tatis et religiónis constántiam

ejúsdem informéntur exém-plis. Per Dóminum.

Et fit Commem. S. Nor-berti Ep. et Conf.

Oratio.

Deus, qui beátum Norbér-tum Confessórem tuum, atque Pontificem, verbi tui præcónem exímium effecísti, et per eum Ecclésiam tuam nova prole fœcundásti: præsta, quæsumus; ut, ejúsdem suffragántibus méritis, quod ore simul et ópere dócuit, te adjuvánte, exercére valeá-mus. Per Dóminum.

Secreta.

Sacra dona, quæ tibi, Dó-mine, reverénter offéri-mus in commemoratióne beáti Bertrándi, Ecclésiae tuae libertátem tueántur, et pacem et sanctificatiónis nostræ in-creménta promóveant. Per Dóminum.

Secreta pro S. Norberto.

Sancti tui, quæsumus, Dó-mine, nos ubique lætifi-cent: ut, dum cōrum mérita recólimus, patrocínia sen-tiámus. Per Dóminum.

Postcommunio.

Præsta, quæsumus, omni-potens Deus, ut in honórem beáti Bertrándi cele-bráta mystéria ejus virtútum imitatóres, et tua protectiōne nos dignos efficiant. Per Dó-minum.

Postcommunio
pro S. Norberto.

Præsta, quæsumus, omni-potens Deus: ut, de percep-tis munéribus grátias exhibéntes, intercedénte beáto Norbérto Confessóre tuo atque Pontífice, beneficia potióra sumámus. Per Dóm.

Die 22 Junii.

S. NICETÆ
Episcopi et Confessoris.

Missa Sacerdótes tui, de
Comm. Conf. Pont.

Oratio.

Exaudi, quæsumus, Dómi-ne, preces nostras, quas in beáti Nicetæ Confessóris tui atque Pontíficis solemnité deférimus: et, qui tibi digne méruit famulári, ejus intercedéntibus méritis, ab ómnibus nos absólve peccá-tis. Per Dóminum.

Et fit comm. S. Paulini
Episc. et Conf.

Oratio.

Deus, qui ómnia pro te in hoc sæculo relinquéntibus, céntuplum in futúro et vitam ætérnam promisisti: concéde propítius; ut, sancti Pontíficis Paulíni vestígii inhæréntes, valeámus terréna despícere, et sola cælestia desideráre. Qui vivis et regnas.

Secreta.

Sancti Nicetæ Confessóris tui atque Pontíficis, quæsumus, Dómine, ánnua solémnitas pietati tuæ nos reddit accéptos: ut, per hæc piæ placatiónis officia, et illum beáta retribútio comitétur, et nobis gratiæ tuæ dona conciliet. Per Dóminum.

Secreta pro S. Paulino.

Da nobis, Dómine, perfec-tæ caritatis sacrificium, exémplo sancti Pontíficis Paulíni, cum altaris oblatiōne conjúngere: et beneficéntiæ stúdio sempitérnam misericórdiam promeréri. Per Dóminum.

Postcommunio.

Deus, fidélium remunerátor animarum: præsta; ut beáti Nicetæ Confessóris tui atque Pontíficis, cuius venerandam celebrámus festivitatem, prémibus indulgentiam consequámur. Per Dóminum.

Posteomm. pro S. Paulino.

Tribue nobis per hæc sancta, Dómine, illum pietatis et humilitatis afféctum, quem ex hoc divino fonte hausit sanctus Pontifex tuus Paulinus: et, ipsius intercessione, in omnes, qui te deprecántur, gratiæ tuæ divitias bénignus effunde. Per Dóminum.

Die 26 Junii

S. VIGILII

Episcopi et Martyris.

Missa Sacerdótes Dei, de Comm. unius Mart., præter Orat. sequentem.

Oratio.

Deus, qui hunc diem beáti Vigílii Mártyris tui atque Pontíficis sanguine consecrásti: da, quæsumus; ut ejus méritis ab ómnibus muniámur adveréis, et æternæ vitæ præmia consequámur. Per Dóminum.

Et fit Commem. (in Missis privatis tantum) Ss. Joannis et Pauli Mm.

FESTA JULII

Die 4 Julii

S. ULDARICI

Episcopi et Confessoris.

Missa Sacerdótes tui, de Comm. Conf. Pont.

Omittitur Commem. Octavae Ss. App.

Die 12 Julii

Ss. HERMAGORÆ

Protoepiscopi Aquileiensis et FORTUNATI Diac. Mm.

Missa Intret, de Comm. plurim. Mart., præter Orat. seq.

Oratio.

Deus, qui hodiérna die beatórum Mártyrum tuórum Hermágoræ et Fortunáti multíplici facis celebritáte gaude-re: tribue quæsumus, eorum nos semper piis defensióni-bus muníri, et orationibus adjuvári. Per Dóminum.

Et fit Commem. S. Joannis Gualberti Abb.

Oratio.

Intercéssio nos, quæsumus, Dómine, beáti Joánnis Abbatis comméndet: ut, quod nostris méritis non valémus, ejus patrocinio assequámur. Per Dóminum.

Deinde Commem. Ss. Naboris et Felicis Mm.

Oratio.

Prästa, quæsumus, Dómi-ne: ut, sicut nos sanctórum Mártyrum tuórum Náboris et Felicis natalicia celebránda non déserunt; ita júgiter suffrágii comiténtur. Per Dóminum.

Secreta.

Múnera humilitatis nostræ, Dómine, quæ pro sanctórum Mártyrum tuórum Hermágoræ et Fortunáti gloriosa passióne, et solemnítáte offérimus: quæsumus cleméntiam tuam, respicere dignare; et ipsórum interces-sione, tam ad profectum vita, quam ánimæ, salutária

nobis consuéta miseratióne provenire concéde. Per Dóm.

Secreta pro S. Joanne.

Sacris altáribus, Dómine, hóstias superpósitas sanctus Joánnes Abbas, quæsumus, in salútem nóbis provenire depóscat. Per Dóm.

Secreta

pro Ss. Martyribus.

Múnera plebis tuæ, quæsumus, Dómine, sanctórum Mártirum tuórum Náboris et Felícis fiant grata suffrágiis: et, quórum triúmphis tuo nómini offerúntur, ipsórum digna perficiántur et méritis. Per Dóminum.

Postcommunio

Suméntes, Dómine, cæléstis dona mystérii, quæsumus; ut sanctórum Mártirum tuórum Hermágora et Fortunáti adjuvémur méritis, quórum solemnitátem celebrámus. Per Dóminum.

Postcommunio
pro S. Joanne.

Prótegat nos, Dómine, cum tui perceptiōne sacraménti beátus Joánnes Abbas, pro nobis intercedéndo: ut et conversatiōnis ejus experiámur insignia, et intercessiōnis percipiámus suffrágia. Per Dóminum.

Postcommunio
pro Ss. Nabore et Felice.

Nataliciis Sanctórum tuorum, quæsumus, Dómine: ut, sacraménti múnere vegetáti, bonis, quibus per tuam grátiam nunc fovémur, perfruámur æternis. Per Dóminum.

Die 14 Julii.

S. PHOCÆ
Episcopi et Martyris.

Missa Sacerdótes Dei, de Communi Martyr. Pont.

Et fit Commem. (in Missis priv. tant.) S. Bonaventuræ Ep. C. et Eccl. Doct.

Die 15 Julii.

SS. REDEMPTORIS

Introitus. Isaiæ 61, 10.



áudens gaudébo in Dómino, et exultábit ánima mea in Deo meo: quia induit me vestiméntis salútis, et induménto justitiæ circúmdedit me.

Psalmus 88. Misericórdias Dómini in ætérnum cantábo: in generatiōnem et generatiōnem.

Y. Glória Patri etc.

Oratio.

Deus, qui Unigenitum tuum mundi Redemptorem constituisti, et per eum devicta morte, nos misericorditer ad vitam reparasti: concéde, ut haec beneficia recolentes, tibi perpétua caritaté adhaerere et ejusdem redemptiónis fructum percípere mereámur. Per eundem Dóminum nostrum.

Et fit Commem. S. Henrici Imper. Conf.

Oratio.

Deus, qui hodierna die beatum Henricum Confessorem tuum e terréni culmine impérii ad regnum æternum transtulisti: te supplices exorámus; ut, sicut illum, gratiæ tuæ ubertate præventum, illécebras sæculi superare fecisti, ita nos facias, ejus imitatióne, mundi hujus blandiménta vitare, et ad te puris méntibus pervenire. Per Dóminum.

Léctio Epistolæ beáti Páuli Apóstoli ad Ephésios. c. 1.

Benedictus Deus, et Pater Dómini nostri Jesu Christi, qui benedixit nos in omni benedictione spirituáli in cælestibus in Christo, sicut élégit nos in ipso ante mundi constitutióne, ut essémus sancti et immaculati in conspéctu ejus in caritaté. Qui

prædestinávit nos in adoptiónem filiòrum per Jesum Christum in ipsum, secundum propósitum voluntatis suæ, in lāudem gloriæ gratiæ suæ, in qua gratificávit nos in dilécto Filio suo. In quo habémus redemptiōnem per sanguinem ejus, remissiōnem peccatórum secundum divítias gratiæ ejus, quæ superabundávit in nobis in omni sapiéntia et prudéntia, ut notum fáceret nobis sacraméntum voluntatis suæ, secundum beneplácitum ejus, quod propósuit in eo.

Graduale. Psal. 85. Omnes gentes, quascumque fecisti, vénient, et adorábunt coram te, Dómine, et glorificábunt Nomen tuum.

¶. Quóniam magnus es tu, et faciens mirabilia, tu es Deus solus. Allelúja, allelúja.

¶. Psal. 73. Deus autem Rex noster ante sæcula operatus est salutem in medio terræ. Allelúja.



Sequentia sancti
Evangélii secundum
Joánnem. c. 3.

In illo tempore: Dixit Jesus Nicodémo: Nemo ascéndit in cælum, nisi qui descendit de cælo, Filius hominis, qui est in cælo. Et sicut Móyses exaltávit serpentinum in deserto, ita exaltári opórtet Filium hominis,

ut omnis, qui credit in ipsum, non pereat, sed habeat vitam æternam. Sic enim Deus diléxit mundum, ut Filium suum unigénitum daret: ut omnis, qui credit in eum, non pereat, sed habeat vitam æternam. Non enim misit Deus Filium suum in mundum, ut júdicet mundum, sed ut salvétur mundus per ipsum. Qui credit in eum, non judicátur, qui autem non credit, jam judicátus est, quia non credit in nōmine Unigéniti Fílli Dei. Credo.

Offertorium. Salus populi ego sum, dicit Dóminus, de qua cùmque tribulatióne clamáverint ad me, exáudiam eos, et ero illórum Deus in perpetuum, Alleluja.

Secreta.

Suscipe, quæsumus, Dómine, oblátum redemptiōnis æternæ mystérium, et præsta, ut Unigéniti Fílli tui gloriósis méritis intercédentibus vivíficit nos semper et muniāt. Per eúndem Dóminum.

Secreta pro S. Henrico.

Láudis tibi, Dómine, hóstias immolámus in tuorum commemoratione Sanctórum: quibus nos et præsentibus éxui malis confidimus et futuris. Per Dóm.

Præfatio de Cruce.

Communio. Ps. 106. Confeántur Dómino misericór-

diæ ejus: et mirabília ejus filiis hominum, allelúja.

Postcommunio.

Córporis tui sacri ac pretiosi sanguinis, quo redempti sumus, Dómine Jesu Christe, partícipes effécti: quæsumus, ut in nobis tua munera tecáris, atque a præsentis vitæ malis eréptos, ad bona perdúcas sempitérna. Qui vivis et regnas cum Deo Patre.

Postcommunio pro S. Henrico.

Refécti cibo potuque cælesti Deus noster, te súplices exorámus: ut, in cuius hæc commemoratione percépimus, ejus muniámur et præcibus. Per Dóminum.

Die 20 Julii.

S. MARGARITÆ

Virginis et Martyris.

Missa Me exspectavérunt,
de Communi Virg. et Mart.
2. loco, cum Orat. pariter
de Communi.

Et fit Commem. (in Missis priv. tant.) de S. Hieronymo Aemiliani Conf.

FESTA AUGUSTI

Die 3 Augusti.

IN INVENTIONE

S. STEPHANI Protomart.

Titularis Eccl. Cathedr.
et Patroni Diœcesis.Ut in Missali. — Dicitur
Credo per totam Octavam.

Die 4. Augusti.

IN DEDICATIONE
ECCLESIAE CATHEDRALIS1. - Missa Terribilis. In
Miss. privatis fit Commem.
S. Dominici C. Dicitur Credo
per tot. Octav. (Oratio Se-
creta sine parenthesi extra
Cathedralem).2. - Diebus 5, 7, 8 et 9 in
Missa diei fit Commem. Octa-
væ S. Stephani et Dedicatio-
nis, non autem die 6 Augu-
sti. Die 9 Augusti, præter
Missam de Sancto, Missæ pri-
vatæ dici possunt etiam de
Vigilia (Viol.) S. Laurentii M.
sine Gl. et sine Credo, 2 Or.
S. Joan. Mariæ Vianney, 3 S.
Stephani, 4 Dedicat., 5 S. Ro-
mani, sine Collectis et Ben.
Dom. in fine.3. - Die 10 Augusti fit
Commem. diei Octavæ S.
Stephani in Missa S. Lau-
rentii M., in qua dic. Credo.4. - Die 11 Augusti, in
Octava Dedic. Eccl. Cathedr.
Missa Terribilis, cum Com-
mem. Ss. Tiburtii et Susan-
næ Mm.

Die 5 Augusti.

S. OSWALDI

Regis et Confessoris.

Missa Justus ut palma, de
Comm. Conf. non Pont. cum
Orat. seq.

Oratio.

Omnipotens sempitérne
Deus, qui hujus dici ve-
nerándam sanctámque læti-
tiam in beáti Oswálди Con-
fessóris tui solemnítate con-
secrásti: da córdibus nostris
tui amóris augmémentum, ut
cujus pia mérita venerámur
in terris, illíus in cælo pa-
trocínia sentiámus. Per Dóm.

Et fit Commem. (in Mis-
sis priv. tant.) S. Mariæ ad
Nives ejusque Evang. in fine
(non autem de occurr. Octa-
vis S. Stephani et Dedicat.
Cathedralis).

Die 11 Augusti.

S. SUSANNÆ

Virginis et Martyris.

Missa Loquébar, de Com-
muni Virg. et Mart., Oratio
Deus, qui inter cétera. (De
S. Tiburtio nihil).

Die 16 Augusti.

S. ROCHI Confessoris.

Missa Justus, de Communi Conf. non Pont. cum Orat. seq.

Oratio.

Pópulum tuum, quæsumus Dómine, continua pietate custodi: et beáti Rochi suffragántibus méritis, ab omni fac ánimæ et cónoris contagione secúrum. Per Dóminum.

Ubi S. Rochus est Titularis, festum S. Joachim Patris B. M. V. transfertur in diem sequentem, cum Commem. S. Hyacinthi C. (dupl. simplif.). Quod si solemnitas S. Rochi celebretur tantum ex devotione cum magno concursu populi, standum est Rubricis Missalis et Regulis appositis in Kalendario curr.

Die 29 Augusti.

S. SABINÆ Martyris.

Missa Me exspectavérunt, de Communi Mart., cum Oratione Deus, qui inter cetera... ut, qui beatæ Sabinæ Martyris tuæ etc.

In Missis priv. tant. fit Commem. Decoll. S. Joannis Bapt., cum ejusdem Evang. in fine.

Pro Oration., Secret. et Postcomm. vide in Missali hac ipsa die.

FESTA OCTOBRIS

Die 1 Octobris.

S. REMIGII

Episcopi et Confessoris.

Missa Statuit, de Communi Conf. Pont.

FESTA NOVEMBRIS

Die 3 Novembris.

S. JUSTI Martyris.

Missa In virtute, Evang. Si quis venit, ex Missa Statuit. Omittitur Commem. Octavæ Omn. Sanctorum.

Die 6 Novembris.

S. LEONARDI Confessoris.

Missa Justus, Evang. Sint lumbi, ex Missa Os justi. Omittitur Commem. Octavæ Omn. Sanctorum.

Die 16 Novembris.

IN DEDICATIONE

PRÓPRIÆ ECCLESIAE

(In Ecclesiis Consecratis Diœcesis, excepta Cathedrali).

Missa Terribilis. - Dicitur Credo per totam Octavam.

1. - Diebus 17, 18, 19, 20,
21, 22 Commem. Dedicat. in
Missa diei.

2. - Die 23 Nov. Octava
Dedicat. - Missa ut supra,
Commem. S. Clementis Pp.
Mart. ac S. Felicitatis. - Mis-
sæ privatae dici possunt etiam
de S. Clemente, cum Com-
mem. Dedic., S. Felicitatis et
Credo.

Die 22 Novembris.

S. MAURI Martyris.

Missa In virtute, Evang.
Si quis vult, ex Missa Sacer-
dotes Dei.

Et fit Commem. (in Mis-
sis priv. tantum) S. Cæciliæ
Virg. et Mart.

FESTA DECEMBRIS

Die 25 Decembris.

In Aurora ad secundam
Missam omittitur Commem.
S. Anastasiæ Martyris.

Die 30 Decembris.

S. ANASTASIÆ Martyris.

Missa Me exspectavérunt,
de Communi Martyrum non
Virginum, præter Orat. seq.

Oratio.

Omnipotens sempitérne
Deus, qui beátam Ana-
stásiam Mártyrem tuam in
flammis tibi canéntem glo-
rioso coronásti triúmpho:
concéde nos, ejus interces-
sione, caritatis igne ita in-
céndi in terris, ut in cælis
tuas láudes perpétuo cánere
mereámur. Per Dóminum.

Et fit Commem. Octavæ
Nativit. Domini.

Oratio.

Concéde, quæsumus, omni-
potens Deus: ut nos Uni-
géniti tui nova per carnem
Nativitas liberet; quos sub
peccati jugo vetústa sérvitus
tenet. Per cùmdem Dóm.

Secreta.

Accipe, quæsumus Dómi-
ne, múnera dignánter
obláta: et beátæ Anastasiæ
Martyris, ad nostræ salútis
auxílium provenire concéde.
Per Dóminum.

Secreta

pro Octava Nativ. Domini.

Obláta, Dómine, múnera,
nova Unigéniti tui Na-
tivitaté sanctifica; nosque a
peccatórum nostrórum má-
culis emúnda. Per cùmdem
Dóminum.

Postcommunio.

Satiásti, Dómine, familiam tuam munéribus sacris: ejus quæsumus semper interventiōne nos réfove, cuius solémnia celebrámus. Per Dóminum.

Postcommunio

pro Octava Nativ. Domini.

Præsta, quæsumus, omnípotens Deus: ut natus hódie Salvátor mundi, sicut divinæ nobis generatiōnis est auctor; ita et immortalitatis sit ipse largítor. Qui tecum.

APPENDIX

Die 14 Januarii

MISSA PROPRIA BEATI ODORICI A PORTUNAONE

(Diœcesis Concordiensis)

Introitus.



Gen. 12. 1.

grédere de terra tua,
et de domo patris
tui, et veni in ter-
ram, quam mon-
strábo tibi. (T. P. Allelúja,
allelúja).

Psal. 116. Laudáte Dómi-
num, omnes gentes: laudáte
eum, omnes pôpuli.

Glória Patri etc.

Oratio.

Deus, qui ad multos Orién-
tis pôpulos in Ecclésiæ
sinum perducéndos, Beátum

Odoricum invicta ánni for-
titudine et constântia robo-
rásti: concéde propítius; ut
infidélium ánimæ, diabólica
fráude decéptæ, ipsius méritis
gloriósis a suis ténebris
eruántur. Per Dóminum.

Léctio Epistolæ beáti Páuli
Apóstoli ad Thessalónicenses.

1. Thess. 2. (2-9).

Fratres: Fidúciam habúi-
mus in Deo nostro, lóqui
ad vos Evangélium Dei in
multa sollicitudine. Exhortá-
tio enim nostra non de erróre,

neque de immunditia, neque in dolo, sed sicut probati sumus a Deo, ut crederetur nobis Evangeliu[m]: ita loquimur, non quasi hominibus placentes, sed Deo, qui probat corda nostra. Neque enim aliquando fuimus in sermone adulatio[n]is, sicut scitis: neque in occasione avaritiae: Deus testis est: nec querentes ab hominibus gloriam, neque a vobis, neque ab aliis: cum possemus vobis oneri esse ut Christi Ap[osto]li: sed facti sumus parvuli in medio vestrum, tamquam si nutrix fo[ve]at filios suos. Ita desiderantes vos, cupide volebamus tradere vobis non solum Evangeliu[m] Dei, sed etiam animas nostras; quoniam carissimi nobis facti estis. Memores enim estis, fratres, laboris nostri et fatigacionis: nocte ac die operantes, ne quem vestrum gravaremus, praedicavimus in vobis Evangeliu[m] Dei.

Graduale. Luc. 4-18. Evangelizare pauperibus misit me, sanare contritos corde.

¶. Psal. 72. 28. Mihi autem adhaerere Deo bonum est: ponere in Domino Deo spem meam.

Alleluja, alleluja.

¶. Isai. 52. 7. Quam pulchri super montes pedes annuntiantis, et praedicantis pacem: annuntiantis bonum,

praedicantis salutem, dicentis Sion: Regnabit Deus tuus! Alleluja.

In Missis post Septuagesimam, omissis Alleluja, et versu sequenti, dicitur:

Tractus. Psal. 95. 3. 5. Annuntiate inter gentes gloriam Domini, in omnibus populis mirabilia ejus.

¶. Quoniam magnus Dominus, et laudabilis nimis: terribilis est super omnes deos.

¶. Quoniam omnes dii gentium demona: Dominus autem caelos fecit.

Tempore Paschali, omissis Graduale et Tractu, dicitur:

Alleluja, alleluja.

¶. Isai. 52. 7. Quam pulchri super montes pedes annuntiantis, et praedicantis pacem: annuntiantis bonum, praedicantis salutem. Alleluja.

¶. Eccli. 46. 6. Invocavit Altissimum potentem in oppugnando inimicos undique: et audivit illum magnus et sanctus Deus. Alleluja.

 **Sequentia sancti**
Evangeli secundum
Matthaeum. Matth. 9. 35-38.

In illo tempore: Circuibat Jesus omnes civitates, et castella, docens in synagogis eorum, et praedicans Evan-

gélium regni, et curans omnem languórem, et omnem infirmitátem. Videns autem turbas, misértus est eis; quia erant vexáti, et jacéntes sicut oves non habéntes pastórem. Tunc dicit discípulis suis: Mессis quidem multa, ope-rárii autem pauci. Rogáte ergo dóminum messis, ut mittat operários in messem suam.

Offertorium. Psal. 66. 6-7.
Confiteántur tibi pópuli omnes, et métuant eum omnes fines terræ. (T. P. Allelúja).

Secreta

Pro christiánæ fidei triúmpho, oblatiónem mun-

dam salutáris hóstiæ, tibi offérimus, Dómine: et præsta; ut intercedénte Beáto Odoríco Confessóre tuo, ubique gentium júgiter offerátur. Per Dóminum.

Communio. I. Cor. 1. 21. Plácuit Deo per stultitiam prædicatiónis salvos fáccere credéntes. (T. P. Allelúja).

Postcommunio

Vitáli sacraménto refécti, cleméntiam tuam, Dómine, humíliter deprecámur: ut Beáti Odoríci méritis et intercessiōne, ad lucem, quæ Christus est, infidéles uni-vérsi perducántur. Per eum-dem Dóminum.



LAURENTIUS TOFFOLON. Can. Pœnit. Eccles. Cath.
hanc editionem Proprii Sanctorum Dioc. Conc. curavit

Imprimatur

Protogravarii, die 31 Octobris 1930

Can. P. SANDRINI, Vic. Gen.

INDEX

JANUARIUS

- 9 S. Juliani Mart. . pag. 1
14 B. Odorici Conf. . " 16

FEBRUARIUS

- 13 Ss. Fuscae et Maurae . " 2
16 S. Julianæ V. M. . " 3
17 Ss. Martyr. Concord. " 3

MARTIUS

- 16 Ss. Hilarii et Tatiani Mm. . . " 5
27 S. Ruperti Ep. Conf. " 5

APRILIS

- 12 S. Zenonis Ep. Mart. " 5
27 S. Liberalis Conf. . " 6
28 S. Vitalis Mart. . " 6

MAJUS

- 4 S. Gothardi Ep. M. " 6
4 S. Floriani Mart. . " 6
16 S. Peregrini Ep. M. " 6
25 S. Urbani Papæ M. " 7

JUNIUS

- 4 S. Quirini Ep. M. . " 7
6 B. Bertrandi Ep. C. . " 7
22 S. Nicetæ Ep. C. . " 8
26 S. Vigiliæ Ep. M. . " 9

JULIUS

- 4 S. Uldarici Ep. C. pag. 9
12 Ss. Hermagoræ et Fortunati Mm. " 9
14 S. Phocæ Ep. M. . " 10
15 SS. Redemptoris . " 10
20 S. Margaritæ V. M. " 12

AUGUSTUS

- 3 Invent. S. Stephani Titul. Cathedr. " 13
4 In Dedic. Eccl. Cathedr. . . " 13
5 S. Oswaldi Conf. . " 13
11 S. Susannæ V. M. " 13
16 S. Rochi Conf. . . " 14
29 S. Sabinæ Mart. . " 14

OCTOBER

- 1 S. Remigii Ep. C. . " 14

NOVEMBER

- 3 S. Justi Mart. . . " 14
6 S. Leonardi Conf. . " 14
16 In Dedic. Omn. Eccles. Consecrat. " 14
22 S. Mauri Mart. . . " 15

DECEMBER

- 25 Ad Secundam Missam (in Aurora) " 15
30 S. Anastasiæ Mart. " 15